



Na osnovu člana 224. Zakona o upravnom postupku („Službeni glasnik BiH“, br. 29/02, 12/04, 88/07, 93/09, 41/13 i 40/16) člana 5.30 stav (6) i člana 5.31 Izbornog zakona Bosne i Hercegovine („Službeni glasnik BiH“, br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13 i 7/14), **odlučujući po žalbi političkog subjekta A-SDA-POMAK-ZAJEDNO na odluku Centralne izborne komisije Bosne i Hercegovine broj: 05-1-07-1-512/18 od 25.10.2018. godine**, Centralna izborna komisija Bosne i Hercegovine je na 75. sjednici, održanoj 29.10.2018. godine d o n i j e l a

ODLUKU

- (1) Usvaja se žalba A-SDA-POMAK-ZAJEDNO i naređuje Glavnom centru za brojanje da izvrši brojanje glasačkih listića i utvrdi rezultate izbora u osnovnoj izornoj jedinici Cazin na biračkim mjestima 002A028A, 002A029, 002A033A za nivo Skupštine kantona u FBiH – Skupština kantona 1 po kandidatima političkih subjekata A-SDA-POMAK-ZAJEDNO i Stranka demokratske akcije.
- (2) Brojanje i utvrđivanje rezultata izbora, koje je započelo dana 26.10.2018. godine (petak) u 10,00 sati u Glavnom centru za brojanje u poslovnom prostoru „ZOI 84“ OLIMPIJSKI CENTAR SARAJEVO, olimpijska dvorana „ZETRA“ u ulici Alipašina bb, Sarajevo nastavlja se prema dinamici koju će utvrđivati direktor Glavnog centra za brojanje.
- (3) Brojanje i utvrđivanje rezultata izbora iz stava (1) ove odluke izvršiti u skladu sa odredbama Pravilnika o načinu provedbe izbora u Bosni i Hercegovini („Službeni glasnik“, br. 29/18, 62/18 i 69/18) i Pravilnika o organizaciji Glavnog centra za brojanje, načinu verifikacije i brojanja glasačkih listića („Službeni glasnik“, broj 54/18).
- (4) Kandidati političkih subjekata iz stava (1) ove odluke koji se pojavljuju na glasačkom listiću za koji se vrši brojanje i utvrđivanje rezultata izbora mogu biti prisutni u toku brojanja kao i akreditovani posmatrači za Glavni centar za brojanje.
- (5) Ova odluka stupa na snagu danom donošenja.

Obrazloženje

A-SDA-POMAK-ZAJEDNO je uložila žalbu na odluku Centralne izborne komisije Bosne i Hercegovine broj: 05-1-07-1-512/18 od 25.10.2018. godine u kojoj navode da su kandidati političkih subjekata A-SDA-POMAK-ZAJEDNO i Stranka demokratske akcije osvojili isti broj glasova kao i politički subjekt.

U cilju pravilnog utvrđivanja izbornih rezultata a imajući u vidu navode žalbe, Centralna izborna komisija BiH je ocijenila da ima činjenica koje opravdavaju ponovno brojanje iz kojih razloga je

usvojila žalbu i u skladu sa članom 5.30 stav (6) Izbornog zakona Bosne i Hercegovine, odlučila kao u dispozitivu ove Odluke.

Pravna pouka: Protiv ove odluke, u skladu sa članom 6.9 stav (1) i (2) Izbornoga zakona Bosne i Hercegovine, može se podnijeti žalba Apelacionom odjelu Suda Bosne i Hercegovine u roku od dva dana od dana prijema ove odluke, koju Centralna izborna komisija BiH dostavlja putem faks aparata.

Žalba se podnosi preko Centralne izborne komisije Bosne i Hercegovine i dostavlja se putem faks aparata na broj 033/251-329 ili neposredno u sjedište Centralne izborne komisije Bosne i Hercegovine, Ulica Danijela Ozme broj 7, Sarajevo.

Broj: 05-1-07-1-512/18
Sarajevo, 29.10.2018. godine



Predsjednik

Branko Petrić

Dostavljeno:

- Glavnom centru za brojanje
- Skladištu Centralne izborne komisije BiH
- Akreditovanim posmatračima GCB
- Kandidatima putem političkog subjekta
- a/a